

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Secunda Secundæ Et Tertia Pars Divi Thomæ Complectitvr -
Qvæstiones Insuper Ad Mores, & praxim spectantes, maximè circa
Sacramenta, accuratè declarantur

Carleton, Thomas Compton

Leodii, 1664

Sect. V. Objectiones aliæ pro metaphysica connexione motivorum cum rei
credendæ veritate.

urn:nbn:de:hbz:466:1-13826

quamvis metaphysicè posset. Sicut, ut S. Augustini exemplo utar, injuriam parenti irrogaret qui eum parentem suum esse negaret, aut eā de re sine causā dubitaret, quamvis id non habeat planè exploratum, nec de eo certus sit metaphysicè. Sic etiam inter homines sapienti magnæ que auctoratis viro, serio aliquid & constanter afferenti fieri censetur injurya, si quis illi hac in parte fidem non adhibeat, quamvis contingere interdum possit, ut ei quod affirmat non subsit veritas, nullaque, ut constat, inter ipsius dictiōnem & rem dictam metaphysica intercedat conexio.

Res hæc declaratur exemplum ab humanis desumptis.

VI.
Credibilitas desumitur ab extrinseco, etiā major vel minor proportione motivorum.

Objicit tertio: Quicquid est evidenter credibile est evidenter verum, falso quippe esse evidenter credibile non potest. Sed contra: indubitatum namque est falso credi posse; inter homines siquidem sapissime contingit ut falso credatur, ergo est credibile; major vero vel minor, credibilitas ei accedit ab extrinseco, prout nimis plures vel pauciores alii proponuntur rationes illud credendi, vel major aut minor est auctoritas dicentes, ut in simili dixi Disp. præcedente, sect. 2. num. quarto. Hic ergo, ubi tot tantaque sunt motiva, objectum est evidenter credibile.

VII.
Magis in particulari declaratur in quo obiecto falso credibilius consibas.

Credibilitas itaque non est merum objectum falso; ut sic enim non est dignum Fide, sed est objectum ut his motivis vestimentum; intellectus siquidem rem aliquam considerans cum tot rationibus credendi propositum, judicat bonum esse actum credendi circa illud elicere, seu in illo actu reperiri bonitatem physicam, cum bonum sit objecto sub tot motivis proposito afferi, Deoque hoc modo loquenti credere. Quamvis ergo evidenter non constet objectum hoc modo representatum seu propositum esse verum, evidenter tamen constat illud esse credibile, credibilitate scilicet extrinsecā, seu, quod cōdēre recidit, dignum ac decens esse, ut quis actum Fidei in his circumstantiis eliciat.

SECTIO QUINTA.

Objectiones alias pro metaphysicā connectione motivorum cum rei credenda veritate.

1.
Objic. sequi posse ali- guenam Fidei verā reli- citā, aliam prudenter amplecti.

Hoc quo pa- diō fieri pos- sit in parti- culari de- claratur.

Objicitur quartò: Si motiva credibilitatis non sint metaphysicè & infallibiliter connexa cum rei, cui attestantur, veritate, sequitur contingere interdum posse, ut fidelis quispiam, Fidei, quam semel prudenter amplexus est relicta, aliam, camque errornam amplectatur. Ponamus enim aliquem ob duo vel tria miracula, quæ vel ipse vidit, vel à pluribus Fide dignis accepit ad rei alicuius testificationem patrata esse, ponamus inquam, hunc ictis miraculis inductum, mysterium aliquod nostræ Fidei amplecti, si permittere posset Deus, ut miraculis subsistit falso, seu ut nefarius aliquis cui Deus virtutem patrandi miracula concessit, dicens se hæc vel illa facere in confirmationem articuli alicuius qui falsus est, cacos, surdos, claudos curer, &c. is qui ob duo vel tria miracula prudenter credit veritatem, potest ob plura relicta vero articulo adhærcere prudenter contrario, seu falso, quod in rudioribus videtur haud difficulter evincere posse. Hoc autem aperte est contra Apo-

stolum ad Galatas 1. v. 8. dicentem, Sed licet nos, aut Angelus de celo evangelizet vobis, praterquam quod evangelizavimus vobis, anathema sit. Planè ergo videtur impossibile ut quis Fidem semel prudenter acceptatam postea prudenter relinquit.

Respondetur cum doctis quibusdam Recentioribus nullam esse repugnantiam ut hoc aliquando inter rudiores præfertim, contingat; ita Tannerus hic, Disp. 1. quæst. 2. dub. 5. num. 139 Arriaga Disput. 3. sect. 4. n. 90. Azor parte 1. Instit. moral. lib. 8. cap. 6. q. 9. idemque docere videtur Gabrieli in 3. Disp. 28. quæst. unicus, & alii. Ratio est; sicut enim pīmō potest rūdis aliquis de mysterio quopiam tanquam esset Fidei male instrui, ita scilicet ut falso ei pro vero obrudatur, idque tantâ probabilitate ut prudenter illud credere possit ac debeat, ita si ubi de vero articulo eadem probabilitate instructus illum credit, si inquam postea alius plura & validiora afferens motiva & rationes eum de contrario instruit, illo reliquo potest huic, quamvis recipia falso, prudenter afferi.

Hic ergo, ut ait Arriaga citatus, quantumvis Trinitatem, quam antea credebat, negat, non est formaliter hereticus, nec Fidei habitum amittit, sicut secundum omnes non amitteret is, qui ritè in infantia baptizatus postea inter hereticos degeneret, nec unquam de vera Fide audiret, sed omnia alia crederet, imo vera Fidei contraria, & hereticorum secta adhæresceret. Ratio autem cur ille qui Trinitatem, quam antea crederat, postea negat, non amittat Fidem est, quia prudenter procedit; nec enim negat Trinitatem quando manet debite proposita, sed tunc solum quando propositis pluribus & validioribus motibus, acies ut ita dicam priorum motivorum obtundit, cūmque contrarium ei quod antè credebat, multo majori cum evidentiâ modo proponatur, priori reliquo adhæret prudenter posteriori, quamvis falso. Ad quam rem notandum: esti omnia vera sint æqualiter vera, omnia tamen non esse æqualiter in actu secundo huic vel illi homini probabilita; veritas siquidem ex ipsis rerum naturis oritur, si nimis ita recipia se habent à parte rei; probabilitas vero unicuique ex pluribus vel paucioribus rationibus major vel minor nascitur: unde contingere potest ut subinde falso alicui magis sit probabile quam verum.

Ad illud D. Pauli ad Galatas, num. 1. allatum respondet Arriaga hic, Disp. 3. sect. 4. num. 89. Ad testimoniū Apostoli ad Galatas varidè à variis respondet. Iusserat dī- Bi hujus solutio.

significare voluntē Apostolum, tot sicut tamque validis motivis & rationibus Christiana Fidei mysteria illis proposuisse, ut nec Angelus, posito quod homines velle posset circa mysteria Fidei decipere (hoc enim pro præsentī discursu est supponendum) pluribus validioribusque motivis contrarium valeat ostendere. Sed contra: Si enim Angelus de celo habere posset voluntatem homines in re tam gravi decipiendi, haberetque facultatem sibi à Deo concessam patrandi miracula, quid ni plura & majora facere possit miracula pro falsis articulis, quam Apostolus fecit pro veris, sicutque hos articulos articulis Apostoli contrarios majori cum evidentiâ Galatis propone.

Vera itaque illius dicti explicatio, ut existimo, est, solum velle Apostolum, tot tamque validis motivis, miraculis scilicet & aliis, Christiana Fidei articulos à se Galatis fuisse propositos, ut ob nullius, ne Angeli quidem aut alterius cuiusque cuncte

*contrarium dicenti de-
bent credere
te.*

*Validiori-
bus moti vis
propositis
potest quis
à priori de-
Bri nā re-
firi.*

*VI.
Aliquet
scriptura
loca pro me-
taphysicā
motivorum
cum rebus
connexione.*

*Dilectum
Apostoli.
ad Corinthios 14.*

cunque Apostoli contrarium docentis nudam asserti onem ab illis resiliere deberent, doctrināque oppositam amplectē. Non tamen vult S. Paulus debere Galatas ita dogmatibus ab ipso iis traditis adherere, ut quibuscunque in contrarium propositis motivis, longeque iis, quae ab Apostolo exhibita fuerant validioribus, teneantur nihilominus doctrinam ab ipso traditam etiamnum amplecti, hoc namque esset imprudentem ab illis Fidem exigere, & in hoc casu prioribus adhuc articulis adhædere, non esset prudentia sed pertinacia. Ex his ergo concludo propositum Fidei, etiam per motiva valida & miracula certo alicui homini factam, posse per plura & validiora motiva enervari, posseque eum licetē priori Fidei relictā, contrariam amplecti.

Objiciuntur quinto varia loca Scripturæ, quibus ostendi videtur motiva credibilitatis esse cum rei, cui attestantur, veritate metaphysicæ & essentialiter connexa. Primo itaque Joan. 3. vers. 2. dicitur: *Rabbi, scimus quia à Deo venisti Magister: nemo enim potest hac signa facere que tu facis, nisi fuerit Deus cum eo.* Deinde Joannis c. 5. vers. 36. dicit Christus: *Ego habeo testimonium maius Ioanne: opera enim, que dedit mihi Pater ut persiciam ea, ipsa opera, que ego facio, testimonium perhibent de me.* Hinc etiam Apostolus 1. ad Corinth. c. 14. v. 24. ait infideles ex eo quod Propheta occulta cordis eorum manifestet convinci ut adorent Deum, ex hoc signo scilicet, nempe dono Prophetæ, aperte apud se concludentes Deum loqui per Prophetam, ergo à fortiori cōvincerentur per miracula, siquæ hæc motiva infallibiter cum rebus, quarum confirmationi descriuunt, connectuntur.

Respondetur, per duo priora loca, non metaphysicam, sed moralē tantum probari inter motiva & res, quibus attificantur, connexionem, ita nimur ut obligatio inducatur, mysterium quod per hæc motiva proponitur, credendi. Et eodem modo intelligendum est dictum illud Richardi de S. Victore lib. 1. de Trinitate cap. 2. ubi si habet: *Si error est quod credimus, à te decepti sumus, iis enim signis doctrina hæc confirmata est, que nisi à te fieri non potuerunt.*

Ad illud 1. ad Corinthios quod attinet, dico infideles illos, quorum occulta deteguntur, evidenter ex illâ cordium inspectione convinci Prophetis hisce divini aliquid, seu ipsis à Deo peculiariter communicatum inesse; non tamen hinc convincuntur metaphysicæ, sed tantum moraliter Fidei, quam hi Prophetæ prædicant, esse veram; tum quia evidenter non constat non posse Deum Prophetiæ donum aliis conferre quam fidelibus, sicut illud contulit Sibyllis: *tum quia, ut de miraculis jam dictum est, non est metaphysicæ certum hoc donum h̄c & nunc dari ad Fidei confirmationem, cùm Deus ob varios alias fines id conferre possit.*

Objicitur sexto: Si motiva credibilitatis non sint metaphysicæ cum rebus, quarum confirmationi deserviunt connexiona, sequitur posse aliquem de Fide dubitare, non enim certior potest esse certum, quam motiva ex quibus habetur; si ergo hæc sint fallibilis, Fides ex iis secuta esse nequit infallibilis, æquè enim dubitare de cā quis potest, ac de moti vis; firmius quippe nequit esse ædificium, quam sit fundamentum cui innititur. Hæc objectione petit Disputationem sequentem.

*Illa Scriptu-
ra loca mo-
ralem tan-
tum probant
inter moti-
va & my-
steria con-
nexione.*

*VIII.
Quid circa
Fidem ar-
guit donum
Prophetia.*

*IX.
Objic. sequi
Fidem non
esse omnino
certam.*

DISPUTATIO NONA.

De certitudine Fidei.

DISCVSSIS iis qua ad motiva pertinent, eorumque naturâ, qualitate & numero duabus hisce postremis Disputationibus declaratis, opportunus hic locus est de illorum in actum Fidei, ad quem producendum ordinantur, influxu inquirendi, quo pacto scilicet ad illius effecti onem concurrant, quâsque in hoc assensu sibi partes vendicent; quam denique firmitatem hic actus tum ex iis tum aliis immediatioribus suis principiis hauriat. Hæc, inquam, in præsentii investiganda, Fidésque penitus intuenda, ob summam quam cum proximè dicitis habet connexionem.

SECTIO PRIMA.

Prænotantur quedam circa certitu- dinem.

I. *Non hic lo-
quimus de
certitudine
objectivâ,
sed formalis.*

Non est hic sermo de certitudine objectivâ, hæc enim alius nihil est quam res ipsæ, nec certitudo propriæ dici potest, sed potius immutabilitas, sicut Deus à quibusdam appellatur certitudo objectiva, quod nimurum

verum semper sit, idque necessariò Deum existere; istud verò necessitas in esendo aptius dicitur quam certitudo; hæc quippe, si congruè loqui velimus, formalis tantum est, & in actu intellegens, ejusque cum objecto conformitate sita, ut in Logicâ est declaratum.

Circa certitudinem itaque formalem (de qua solâ loquimur in præsenti) recolendum quod suprà ex alia occasione obiter adnotavi, eam esse triplicem, Moralē, Physicam, & metaphysicam: *III.
Triplicis
certitudinis
declaratio.*